



REPUBLIKA E SHQIPËRISË
KOMITETI SHTETËROR PËR KULTET

Nr. 128 prot.

Tiranë, më 08.06.2022

URDHËR

Nr. 37, datë 08.06.2022

PËR

MIRATIMIN E RREGULLORES SË BRENDSHME PËR ZBATIMIN E
PARIMEVE TË ETIKËS, TË KLASIFIKIMIT TË VEPRIMTARIVE TË JASHTME
DHE VLERËN E DHURATAVE, QË MUND TË PRANOHEN GJATËVE
VEPRIMTARISË SË PUNONJËSVE TË KOMITETIT SHTETËROR PËR
KULTET

Në zbatim të ligjit nr. 9131, datë 08.09.2003 “Për rregullat e etikës në administratën publike”, të VKM-së nr. 874, datë 29.09.2021 “Për miratimin e rregullave për zbatimin e parimeve të etikës, të klasifikimit të veprimtarive të jashtme dhe vlerën e dhuratave, që mund të pranohen gjatëve veprimtarisë së punonjësve të Komitetit Shtetëror për Kultet”, dhe të Urdhrit të Kryeministrit nr. 77, datë 16.5.2018 “Për miratimin e rregullores së brendshme të organizimit dhe funksionimit të Komitetit Shtetëror për Kultet”,

URDHËROJ:

1. Miratimin e “Rregullores së Brendshme për zbatimin e parimeve të etikës, të klasifikimit të veprimtarive të jashtme dhe vlerën e dhuratave, që mund të pranohen gjatëve veprimtarisë së punonjësve të Komitetit Shtetëror për Kultet”, sipas tekstit bashkëlidhur këtij urdhri.
2. Ngarkohen të gjithë punonjësit e KSHK-së për zbatimin e Rregullores.
3. “Rregullore e Kodit të Etikës”, me nr. 329 prot., datë 14.09.2016, shfuqizohet.

Kyr urdhër hyn në fuqi menjëherë.

KRYETARI



Konceptoi: N. Goga



REPUBLIKA E SHQIPËRISË
KOMITETI SHTETËROR PËR KULTET

Nr. 128/ prot.

Tiranë, më 08.06.2022

**RREGULLORE E BRENDSHME PËR ZBATIMIN E PARIMEVE TË ETIKËS, TË
KLASIFIKIMIT TË VEPRIMTARIVE TË JASHTME DHE VLERËN E
DHURATAVE, QË MUND TË PRANOHEN GJATËVE VEPRIMTARISË SË
PUNONJËSVE TË KOMITETIT SHTETËROR PËR KULTET**

KREU I

Dispozita të përgjithshme

Neni 1

Objekti

Objekti i kësaj rregulloreje është përcaktimi i:

- rregullave për zbatimin e parimeve dhe standardeve të sjelljes etike nga punonjësit e Komitetit Shtetëror për Kultet (KSHK), gjatë ushtrimit të detyrave me integritet, korrektsi, objektivitet, efektivitet, paanshmëri, profesionalizëm, transparencë, ndershmëri, në respektim të parimit të proporcionalitetit e barazisë, në shërbim të interesit publik;
- rregullave të klasifikimit të një veprimtarie të jashtme si të lejueshme ose jo;
- vlerës së dhuratave që mund të pranohen nga punonjësi dhe të mënyrës së administrimit të dhuratave që mund të kthehen.

Neni 2

Fusha e veprimit

- Dispozitat e kësaj rregulloreje janë të detyrueshme për të gjithë punonjësit e KSHK-së, të cilëve u është dhënë e drejta e ushtrimit të funksioneve, detyrave ose kompetencave publike, me përjashtim të rasteve kur, me legjislacion të veçantë, parashikohet një rregullim i ndryshëm etik.
- Për çështjet etike që nuk rregullohen në këtë rregullore, punonjësi i KSHK-së duhet t'u referohet parimeve të përgjithshme të etikës, sipas legjislacionit në fuqi, si dhe rregullores së brendshme të institucionit.



Neni 3

Përkufizime

Në kuptim të kësaj rregulloreje, termat e mëposhtëm kanë këto kuptime:

- a) “Punonjës i KSHK-së”, të gjithë punonjësit e punësuar në institucionin e Komitetit Shtetëror për Kultet, si dhe çdo person fizik ose juridik, që i është dhënë, me ligj, akt nënligjor ose çdo lloj forme tjeter të parashikuar nga legjislacioni në fuqi, e drejta e ushtrimit të kompetencave/funksioneve administrative publike;
- b) “Epror direkt” ose “Titullar i institucionit të Komitetit Shtetëror për Kultet” për:
 - i. nëpunësin civil – eprori i caktuar si i tillë, në respektim të legjislacionit për nëpunësin civil;
 - ii. punonjësin tjeter të administratës publike jashtë shërbimit civil – eprori i caktuar si i tillë në përshkrimet e punës, në respektim të ligjeve të posaçme apo të akteve nënligjore që përcaktojnë strukturën dhe organikën e institucionit;
- c) “Konflikt interes” dhe “interes privat”, i njëjti kuptim sipas legjislacionit në fuqi në këtë fushë;
- ç) “Veprimtari e jashtme”, i njëjti kuptim me atë të përcaktuar në ligjin nr. 9131, datë 8.9.2003, “Për rregullat e etikës në administratën publike”;
- d) “Dhurata”, likuiditete në para në dorë, në llogari rrjedhëse, në depozitë, në bono thesari a në huadhënie, sende me vlerë dhe çdo send apo shërbim, me vlerë monetare, të premtuar, ofruar, dhënë falas ose nën vlerën e tregut, interesat, aksionet dhe pjesët e kapitalit në shoqëri tregtare, borxhet e detyrimet jozyrtare ndaj personave fizikë apo juridikë;
- e) “Njësia e burimeve njerëzore”, njësia përgjegjëse për menaxhimin e zhvillimin e burimeve njerëzore në KSHK, të përcaktuara sipas shkronjave “a” dhe “b”, të këtij nenit;
- ë) “Procedurë disiplinore”, e gjithë veprimtaria administrative, që kryhet që nga momenti i konstatimit të një shkeljeje disiplinore, vënies në dijeni, me shkrim, të personit që pretendohet se ka kryer shkeljen, deri në marrjen e një vendimi përfundimtar nga organi disiplinor;
- f) “Informacion konfidencial”, informacioni, që mund të aksesohet vetëm nga personat e autorizuar sipas legjislacionit në fuqi për informacionin e klasifikuar, përhapja e të cilit mund t’i sjellë dëme sigurisë kombëtare, institucioneve/enteve publike etj.

KREU II

RREGULLAT PËR ZBATIMIN E PARIMEVE TË ETIKËS

Neni 4

Kryerja e detyrave në përputhje me legjislacionin në fuqi dhe në mënyrë të pavarur nga pikëpamja politike



Në respektim të parimit të kryerjes së detyrave, në përputhje me legjislacionin në fuqi në menyrë të pavarur nga pikëpamja politike, dhe të mospengimit të zbatimit të politikave, vendimeve ose veprimeve ligjore të KSHK-së, punonjësi ka detyrimin të ndjekë e të zbatojë këto rregulla:

- a) Gjatë ushtrimit të detyrave funksionale, punonjësi i KSHK-së zbaton me korrektsë e bindje ligjin e politikat e përgjithshme shtetërore, respekton ndarjen e kompetencave, si dhe vepron në mbrojtje të interesit publik;
- b) Punonjësi i KSHK-së ushtron detyrat funksionale, duke garantuar të drejtat e liritë themelore të njeriut dhe trajtim të barabartë përpara ligjit, në përputhje me legjislacionin në fuqi;
- c) Punonjësi i KSHK-së merr masat e nevojshme për parandalimin e veprimeve të paligjshme dhe ka detyrimin të informojë eprorët, si dhe të adresojë pranë autoriteteve kompetente çdo rast abuzimi, vjedhjeje, mashtrimi dhe korruzioni apo vepra të tjera, që mund të konstatojë gjatë ushtrimit të detyrës;
- c) Nëse punonjësi i KSHK-së dyshon se eprori ka dhënë një urdhër të paligjshëm, informon pa vonesë eprorin e personit, që ka dhënë këtë urdhër dhe kërkon konfirmimin e tij me shkrim. Ai ka detyrimin ta zbatojë urdhrin me shkrim, me përashtim të rastit kur zbatimi i tij përbën vepër penale;
- d) Në varësi të pozicionit të punës, punonjësi i KSHK-së mund të jetë anëtar i partive politike apo i grupimeve me karakter politik, për aq sa lejohet me ligj;
- dh) Punonjësi i KSHK-së lejohet të marrë pjesë në grumbullime, takime, mbledhje, tubime me karakter politik apo të shprehë publikisht bindjet apo preferencat politike, për aq sa nuk bie ndesh me legjislacionin në fuqi;
- e) Punonjësi i KSHK-së distancohet qartazi nga çdo ndikim ose presion politik, që mund të çojë në njëanshmëri gjatë përmbushjes së detyrave.

Neni 5

Kryerja e detyrave me ndershmëri, paanshmëri, efikasitet, ruajtja dhe rritja e besimit të publikut

Në respektim të parimit të kryerjes së detyrave me ndershmëri, paanshmëri, efikasitet, duke pasur parasysh vetëm interesin publik dhe me qëllim që sjellja e tij t'i shërbejë ruajtjes dhe rritjes së besimit të publikut në ndershmërinë, paanshmërinë dhe efektivitetin e shërbimit publik, punonjësi i KSHK-së ka detyrimin të ndjekë dhe të zbatojë këto rregulla:

- a) Në çdo rast, punonjësi i KSHK-së vepron me integritet të lartë moral e profesional, në funksion të kryerjes së veprimtarisë administrative;
- b) Sjellja personale e punonjësit të KSHK-së duhet të jetë e tillë që të reflektojë ndershmëri, të promovojë vlerat e parimet më të larta etiko-morale dhe të inkurajojë punonjësit e tjerë të veprojnë në përputhje me këto vlera;
- c) Punonjësi i KSHK-së duhet të jetë i paanshëm, i besueshëm, transparent, efektiv, duke realizuar me disiplinë dhe në kohë detyrat funksionale, në respektim të interesit publik;



- c) Punonjësi i KSHK-së përdor në mënyrë efektive kohën e punës për realizimin me përgjegjësi dhe korrektësi të detyrave funksionale, duke kontribuar në rritjen e performancës së administratës;
- d) Gjatë ushtrimit të detyrës, punonjësi i KSHK-së:
 - i. ndjek e zbaton parimin e deburokratizimit e të eficiencës, duke siguruar që procedura administrative të zhvillohet sa më shpejt të jetë e mundur, brenda afateve ligjore dhe me sa më pak kosto;
 - ii. jep mendime dhe opinione objektive, bazuar në dijeninë dhe në përvojën profesionale, duke garantuar paprekshmërinë e interesit publik e institucional, mbi atë personal.
- dh) Punonjësi i KSHK-së realizon në kohë dhe me përgjegjësi detyrat, duke mos hequr dorë nga kompetencat gjatë vendimmarrjes. Çdo vonesë në përbushjen e detyrave duhet të jetë e arsyetuar. Ngarkimi i detyrave duhet të jetë në përputhje me legjislacionin në fuqi;
- e) Në përbushje të detyrave funksionale, punonjësi i KSHK-së ndjek e përgatit çështjet që i janë ngarkuar sipas rëndësisë, prioriteteve dhe/ose rendit kronologjik;
- ë) Punonjësi i KSHK-së shqyrton me vëmendjen e duhur të gjitha kërkesat e individëve dhe mundëson përgjigjet respektive ndaj tyre. Çështjet që punonjësi i KSHK-së, në bashkëpunim me eprorin, i vlerëson jashtë kompetencës së vet, i përcjell pa vonesë tek institucioni kompetent, duke vënë në dijeni, në çdo rast, edhe kërkuesin.

Neni 6

Konflikti i interesit e respektimi i të drejtave dhe interesave personalë të të tretëve

Në respektim të parimit të moslejimit që interesat privatë të bien ndesh me pozitën e tij publike, shhangies së konfliktit të interesave, moshfrytëzimit të pozitës për interesin privat, moskryerjes së veprimeve arbitrale dhe tregimit të respektit të duhur për të drejtat e interesat personalë të të tretëve, punonjësi i KSHK-së ka detyrimin të ndjekë dhe zbatojë këto rregulla:

- a) Punonjësi i KSHK-së shhang çdo situatë të konfliktit të interesit gjatë përbushjes së detyrave, deklaron interesat privatë pranë autoritetit përgjegjës të institucionit dhe respekton dispozitat e legjislacionit për parandalimin e konfliktit të interesave në ushtrimin e funksioneve publike;
- b) Punonjësi i KSHK-së duhet të shhangë angazhimin në aktivitete që përbëjnë, mund të përbëjnë apo do të përbëjnë konflikt interesit të çdo lloji, sipas përcaktimeve të legjislacionit në fuqi për konfliktin e interesit;
- c) Punonjësi i KSHK-së duhet të shhangë situata, veprime dhe sjellje që dëmtojnë apo mund të dëmtojnë imazhin e administratës publike. Përbëjnë cenim të imazhit të Komitetit Shtetëror për Kultet, por pa u kufizuar në to:
 - i. shoqërimi me persona privatë, që mund të kenë interesa në/të lidhura me veprimtarinë e KSHK-së dhe punonjësve të tij, apo shoqërimi me persona privatë të përfshirë në aktivitete të paligjshme;
 - ii. kryerja e veprimeve të ekzagjeruara në bare, lokale, restorante, parqe dhe/apo ambiente të tjera publike;



iii. fréquentimi i ambienteve, aktiviteteve apo vendeve të padenja dhe që mund të dëmtojnë ose të hedhin dyshime mbi figurën e tij morale;

iv. përdorimi në mënyrë jokorrekte i medias dhe i rrjeteve sociale;

v. reablimi dhe publikimi në çfarëdolloj forme i fotove/videoove të vvetes, kolegëve, ambienteve të punës, proceseve të punës, për qëllime që nuk lidhen me punën apo me aktivitete zyrtare.

ç) Në marrëdhënet me publikun, gjatë një procedure administrative, punonjësi i KSHK-së garanton respektimin dhe mbrojtjen e të drejtave të personave të përfshirë në të, në mënyrë sa më efektive. Ai i informon palët mbi të drejtat e detyrimet e tyre dhe i paralajmëron ato për pasojat ligjore të veprimeve ose të mosveprimeve të tyre.

Neni 7

Përdorimi i informacionit zyrtar dhe ruajtja e konfidencialitetit të tij

1. Në respektim të parimit të ruajtjes së konfidencialitetit të informacionit që ka në zotërim dhe të përdorimit të këtij informacioni, në përputhje me legjislacionin për të drejtën e informimit, punonjësi i KSHK-së ka detyrimin të ndjekë dhe të zbatojë këto rregulla:

a) Punonjësi i KSHK-së garanton dhënien e informacionit publikut, në përputhje me parashikimet e legjislacionit për të drejtën e informimit, për aq kohë sa ky informacion nuk është i ndaluar për t'u dhënë;

b) Punonjësi i KSHK-së ruan konfidencialitetin e informacionit që zotëron, por pa cenuar zbatimin e detyrimeve që rrjedhin nga legjislacioni që rregullon të drejtën e informimit mbi dokumentet zyrtare;

c) Punonjësi i KSHK-së nuk mund të përdorë për qëllime private informacionin që zotëron për shkak të detyrës;

ç) Punonjësi i KSHK-së mbron, ruan e nuk përhap informacionin zyrtar edhe pas largimit nga detyra, për një periudhë 2-vjeçare. Në rastet e informacionit konfidencial, afati përcaktohet sipas legjislacionit në fuqi;

d) Publikimi dhe transmetimi nga punonjësi i KSHK-së, përmes mjeteve të ndryshme të komunikimit, i kujtimeve personale që lidhen me detyrën që ka ushtruar ose ushtron duhet të jetë gjithnjë në përputhje me parimin e konfidencialitetit;

dh) Punonjësi i KSHK-së nuk mund të shpërndajë apo të publikojë dokumentacionin zyrtar, që administrohet në KSHK, pa autorizimin paraprak të eprorëve, me përjashtim të materialeve që publikohen në faqen elektronike, në kuadër të programit të transparencës.

2. Ish-punonjësi i KSHK-së nuk duhet të përfaqësojë asnjë person ose organizatë në një konflikt ose marrëdhënie tregtare me KSHK-në, për një periudhë kohe 2-vjeçare pas largimit nga detyra, për detyrën që ai ka kryer ose në vazhdimësi të saj.

3. Në rast të fillimit të një detyre të re brenda afatit 2-vjeçar të përcaktuar në pikën 2, të këtij neni, ish-punonjësi duhet të informojë njësinë e burimeve njerëzore të institucionit, ku ka qenë i punësuar, minimalisht 2 (dy) javë përpara fillimit të detyrës, për qëllimin e tij për t'u angazhuar në një marrëdhënie tjeter punësimi.

4. Njësia e burimeve njerëzore shqyrton informacionin e dhënë për të përcaktuar nëse natyra e veprimtarisë është apo jo në kushtet e përcaktuara në pikën 2, të këtij nenit, dhe njoftimi me shkrim punonjësin për vendimin e saj, brenda 5 (pesë) ditëve pune nga marrja e kërkesës nga punonjësi.

5. Nuk ka nevojë të raportohen veprimtaritë që kanë të bëjnë me:

- a) aktivitete bamirësie ose humanitare;
- b) aktivitetet që rrjedhin nga bindjet politike, sindikaliste dhe/ose filozofike ose fetare;
- c) aktivitetet kulturore;
- ç) menaxhimin e thjeshtë të aseteve apo zotërimeve apo pasurisë personale apo familjare, në cilësinë private;
- d) veprimtarinë akademike;
- dh) punësimin në administratën publike;
- e) aktivitete të ngashme.

6. Për situata apo raste tepër të dyshimta dhe të patrajtuara më parë, njësia e burimeve njerëzore mund të kërkojë ndihmën e Departamentit të Administratës Publike.

Neni 8

Sjellja në marrëdhënie me qytetarët, eprorët, kolegët e vartësit

Në respektim të parimit të sjelljes etike në marrëdhënie me qytetarët, eprorët, kolegët dhe vartësit, punonjësi i KSHK-së ka detyrimin të ndjekë dhe të zbatojë këto rregulla:

- a) Komunikimi i punonjësit të KSHK-së duhet të karakterizohet nga etika, mirësjellja dhe respekti i ndërsjellë. Komunikimi verbal dhe jo verbal (gjuha e trupit, gjestikulacioni, toni i zërit, mënyra e vështrimit, ruajtja e distancës fizike etj.) duhet të jetë korrekte, pa përdorur fjalor fyes apo paragjykues, për çfarëdolloj arsyewe apo shkaku. Në mjediset e punës nuk mund të komunikohet me zë të lartë apo të përdoren shprehje të papërshtatshme.
- b) Eprori nxit zhvillimin profesional të punonjësve të KSHK-së në mënyrë të paanshme e gjithëpërfshirëse, përmes ofrimit të mundësive për kualifikim dhe ecuri të vazhdueshme në karrierë;
- ç) Punonjësve të punësuar rishtazi në KSHK duhet t'u krijohen kushtet e përshtatshme për ushtrimin sa më efektiv të detyrës, duke u dhënë ndihmën e duhur përmes këshillimit, orientimit, shkëmbimit të informacionit, me qëllim aftësimin e përshtatjen e tyre në institucion.
- d) Punonjësi i KSHK-së respekton rregullat e procedurat lidhur me komunikimin e brendshëm zyrtar, me shkrim, me mjete elektronike apo verbal, duke respektuar hierarkinë dhe llogaridhënen. Rregulla më të detajuara për komunikimet e brendshme parashikohen në rregulloret përkatëse.
- e) Paraqitja dhe veshja e punonjësit të KSHK-së duhet të jetë e denjë dhe serioze, në përshtatje me funksionin që kryen. Veshja duhet të përbushë standardet e profesionalizmit dhe modestisë, duke shmangur kështu krijimin e përshtypjes së pahijshme dhe dëmtimin e imazhit të administratës publike. Rregulla më të detajuara për veshjen përcaktohen në rregulloret e brendshme përkatëse.

- dh) Hyrja dhe dalja në ambientet e vendit të punës nga punonjësi i KSHK-së kryhet në përputhje me orarin zyrtar të përcaktuar në legjisacionin në fuqi, me përjashtim të rasteve kur, përsye objektive, autorizohet ndryshe nga titullari;
- e) Brenda orarit zyrtar të punës, punonjësi i KSHK-së nuk duhet të frekuentojë ambiente të ndryshme nga ai i punës, me përjashtim të rasteve të kushtëzuara nga ushtrimi i detyrave funksionale;
- ë) Punonjësi i KSHK-së mund të përdorë telefonin celular privat kur nuk pengon kryerjen e detyrave. Përdorimi i tyre gjatë takimeve dhe mbledhjeve të punës është i ndaluar.
- f) Telefoni celular zyrtar duhet të përdoret nga punonjësi i KSHK-së vetëm përsye pune. Ai është i detyruar ta mbajë hapur atë brenda orarit zyrtar dhe gjatë ushtrimit të detyrave, me qëllim mbajtjen e komunikimit të pandërprerë.
- g) Punonjësi i KSHK-së që merr pjesë në një aktivitet, mbledhje apo takim pune, konferencë etj. jashtë vendit apo jashtë qytetit ku ndodhet qendra e tij e punës, informon me shkrim eprorin direkt dhe njësinë e burimeve njerëzore në rrugë protokollare;
- gj) Përpara zhvillimit të vizitave zyrtare dhe të punës jashtë shtetit, punonjësi i KSHK-së merr miratimin paraprak të titullarit të institucionit apo të personit të autorizuar prej tij dhe njofton ministrinë përgjegjëse për punët e jashtme;
- h) Punonjësi i KSHK-së, në zbatim të detyrimit të ruajtjes e të mbrojtjes së pronës, mjeteve të punës, pajisjeve dhe mallrave në administrim të institucionit, si dhe të dokumentacionit zyrtar, merr masat përsëri përdorimin e tyre vetëm përsye qëllime zyrtare. Në rast të keqfunkcionimit të mjeteve të inventarit dhe/ose të zyrës, duhet të njoftojë menjëherë eprorin e tij dhe njësinë e burimeve njerëzore.

KREU III
PËRCAKTIME TË VEÇANTA PËR TITULLARIN E INSTITUCIONIT TË
KSHK

Neni 9

1. Përveç sa është përcaktuar në krerët I, II, IV, V e VI, të kësaj rregulloreje, dhe/ose legjisacion tjetër specifik në fuqi, titullarët e institucioneve të administratës publike u nënshtrohen edhe dispozitave të këtij kreу.
2. Titullari i institucionit të Komitetit Shtetëror për Kultet realizon me ndershmëri dhe përpikëri objektivat e ngarkuar nëpërmjet sjelljes së duhur organizative, shfaq sjellje të përshtatshme dhe të paanshme, duke shërbyer si model për punonjësit, si dhe nxit zbatimin e standardeve më të larta në KSHK.
3. Titullari i institucionit të KSHK-së:
 - a) kujdeset që burimet, përfshirë ato njerëzore dhe financiare, që administron për shkak të detyrës, të përdoren vetëm përsye qëllimet për të cilat janë vënë në dispozicion, në funksion të realizimit të interesit publik dhe në asnje rast për interes personal;
 - b) siguron që fondet e buxhetit të shtetit të mos përdoren për organizimin e festave për punonjësit e institucionit;

- c) siguron menaxhim efektiv e të përshtatshëm të institucionit që drejton, përmes vendosjes së marrëdhënieve korrekte bashkëpunëtorët; me vartësit dhe
- c) bën mbarje të përshtatshme dhe të duhur të detyrave, në funksion të menaxhimit efektiv të institucionit.

4. Në rast se titullari i institucionit të KSHK-së bie në dijeni të një situate paligjshmërie, që përbën shkelje disiplinore, ai ndërmerr masat e nevojshme administrative, duke e referuar çështjen pranë komisionit disiplinor. Në rast se bie në dijeni të një vepre penale, ai adreson çështjen pranë organeve kompetente pa vonesë.

5. Titullari i institucionit të KSHK-së:

- a) merr masa për moshpërndarjen e informacioneve, lajmeve të pasakta dhe të pavërteta për organizimin, veprimtarinë, funksionimin apo punonjësit e institucionit që drejton;
- b) ofron, zbaton e shpërndan praktikat më të mira administrative, me qëllim rritjen e besimit të qytetarëve në institucionet publike.

6. Titullari i institucionit të KSHK-së nuk mund të ushtrojë detyra të tjera të papajtueshme me funksionin publik që mban, si dhe aktivitete që ulin performancën e institucionit që drejton.

7. Titullari i institucionit të KSHK-së nuk mund të japë deklarata apo të shfaqë publikisht mendime dhe opinione, që bien ndesh me politikat e përgjithshme shtetërore.

8. Përpara marrjes së detyrës, titullari i institucionit të KSHK-së i njofton njësisë përgjegjëse interesat privatë, që mund të përbëjnë shkak për konflikt interesash. Ai zbaton e ndjek me përpikëri legjislacionin në fuqi.

9. Përpara zhvillimit të vizitave zyrtare dhe të punës jashtë shtetit, titullari i institucionit të KSHK-së merr miratimin paraprak sipas procedurave të parashikuara nga legjislacioni në fuqi.

10. Dispozitat e këtij kreu zbatohen edhe për personin zëvendësues të titullarit.

KREU IV

RREGULLAT E KLASIFIKIMIT TË VEPRIMTARIVE TË JASHTME

Neni 10

1. Veprimtaritë e jashtme të punonjësit të KSHK-së janë të lejueshme vetëm kur nuk bëhen pengesë për përbushjen e detyrave dhe të përgjegjësive zyrtare.
2. Punonjësi i KSHK-së nuk mund të angazhohet në një veprimtari të jashtme, nëse:
 - a) ajo krijon ose duket sikur krijon një konflikt interesash me pozicionin e tij zyrtar;
 - b) angazhimi mendor e fizik i punonjësit në këtë veprimtari ndikon në kryerjen normale të detyrave të tij zyrtare, pengon ose e bën të vështirë kryerjen e tyre;
 - c) veprimtaria që kryen, cenon figurën e tij ose të institucionit të KSHK-së, ku ai është i punësuar;
 - ç) veprimtaria që kryen është vazhdim i detyrave të tij zyrtare dhe punonjësi duhet të përdorë të dhënat që ka nga pozicioni i tij;

- d) qëllimi i veprimtarisë bie në kundërshtim me qëllimin dhe objektivat e pozicionit zyrtar të punës.
- dh) është një veprimitari, që kryhet me kohë të plotë.
3. Nuk konsiderohet si veprimitari e jashtme e palejueshme, veprimitaria në kuadër të shoqatave kulturore, shoqërore apo sportive, pjesëmarrja në organet drejtuese të këtyre shoqatave, me përjashtim të rasteve kur kjo ndalohet shprehimisht nga ligji dhe/ose kur ajo pengon kryerjen normale të detyrës zyrtare.
4. Në mungesë të një autorizimi, punonjësi nuk duhet të dëshmojë si ekspert përpara ndonjë trupi gjykues apo të përfaqësojë ndonjë person fizik ose juridik, vendas apo të huaj, organizatë, entitet apo qeveri të huaj, nëse institucionet e KSHK-së janë palë apo kanë ndonjë interes të drejtpërdrejtë dhe të rëndësishëm në çështjen që shqyrtohet.
5. Punonjësi i KSHK-së njofton zyrtarisht eprorin direkt dhe njësinë e burimeve njerëzore të institucionit për veprimtarinë e jashtme që do të kryejë, duke bërë një përshkrim të shkurtër të veprimtarisë, të objektivave dhe qëllimeve të organizatës, për të cilën kryen veprimtarinë e jashtme.
6. Mbështetur në të dhënat e marra, eprori direkt, në bashkëpunim me njësinë e burimeve njerëzore të institucionit, verifikon nëse veprimitaria që do të kryejë punonjësi kategorizohet si e lejueshme sipas kësaj rregulloreje. Eprori direkt merr vendimin për përcaktimin e veprimtarisë së jashtme si të lejueshme apo jo dhe ia komunikon atë, me shkrim, punonjësit kërkues.
7. Ndaj vendimit të eprorit direkt mund të bëhet ankim pranë eprorit të nivelit më të lartë institucional, i cili merr vendim të arsyetuar.
8. Në rastet kur punonjësi i institucionit të KSHK-së, me miratimin e eprorit direkt, kryen veprimitari mësimdhënieje apo trajnuese gjatë orarit zyrtar, ai është i detyruar të kompensojë orët e punës brenda javës, pas orarit zyrtar të punës.
9. Kur punonjësi kryen veprimitari të jashtme përpara fillimit të marrëdhënieve të punës, në çastin e punësimit ai njofton me shkrim eprorin direkt dhe njësinë e burimeve njerëzore dhe merr miratimin e tyre sipas përcaktimeve në këtë kre, për të vijuar me ushtrimin e veprimtarisë së jashtme.

KREU V
DHURATAT DHE FAVORET

Neni 11

1. Punonjësi i KSHK-së nuk duhet të kërkojë apo të pranojë, në mënyrë të drejtpërdrejtë a të tërthortë, për veten, familjen, të afërmit, personat fizikë apo juridikë me të cilët ka marrëdhënie:
- a) dhurata, favore, pritje apo çdo përfitim tjeter, si dhe premtime për to, të cilat i jepen për shkak të pozicionit të tij, me efekt përfitimi të çfarëdoshëm për dhuruesin ose persona të tretë, që ndikojnë ose duket sikur ndikojnë në paanshmërinë e kryerjes së detyrës, a janë ose duket sikur janë shpërblim për mënyrën e kryerjes së detyrës;

- b) ftesa për pritje të ndryshme, premtimë, ofrime falas apo ulje të çmimeve për kryerjen e shërbimeve, të argëtimeve, transporteve, udhëtimeve; pushimeve,
- c) përfitimë të bursave të studimit dhe/apo të sigurimeve.
2. Punonjësi i KSHK-së nuk duhet të kërkojë, në mënyrë të drejtpërdrejtë ose të tërthortë, të japë dhurata ose të ndërmjetësojë për të dhënë dhurata për një punonjës të një niveli më të lartë apo të afërm të tij dhe as të kërkojë ose të pranojë dhurata nga punonjës i një niveli më të ulët ose të afërm të tij, për shkak të cilësive dhe raporteve zyrtare.
3. Një dhuratë konsiderohet e marrë në mënyrë të tërthortë kur i jepet familjes së punonjësit, të afërmve, deri në shkallën e dytë, personave ose organizatave, me të cilat punonjësi ka pasur ose ka marrëdhënie biznesi ose lidhje politike, në bazë të kërkesës, rekomandimit apo udhëzimit të punonjësit.
4. Rregullat e përcaktuara në pikat 1, 2 dhe 3, të këtij neni, nuk zbatohen në rastin e ftesave të zakonshme apo kur janë të ftuar punonjës ose kolegë të tjera, të mikpritjes tradicionale, dhuratave me vlerë simbolike apo tradicionale dhe të mirësjelljes, brenda kufijve normalë të traditës, zakoneve, lidhjes farefisnore dhe praktikës së përditshme, të cilat nuk krijojnë dyshime për paanësinë e punonjësit.
5. Punonjësi i KSHK-së mund të pranojë dhurata nga qeveritë e huaja apo organizatat ndërkombëtare, brenda kufijve normalë të shprehjes së mikpritjes dhe trajtimit që buron prej saj, kortezisë apo protokollit, nëse nuk tejkalojen kufijtë e traditës e të zakoneve të vendit ku jepen, nuk vënë në dyshim objektivitetin, ndershmërinë dhe paanshmërinë e punonjësit e nëse nuk kompromentojnë imazhin dhe integritetin e Republikës se Shqipërisë.
6. Punonjësi i KSHK-së mund të mbajë dhurata të lejueshme, pa qenë i detyruar t'i deklarojë ato, nëse nuk e kalojnë vlerën prej 10 000 (dhjetë mijë) lekësh për dhuratë. Nëse punonjësi ka dyshim për vlerën e dhuratës, ai njofton eprorin direkt dhe i kërkon njësisë së burimeve njerëzore të kryejë vlerësimin e saj.
7. Dhuratat e pranuara nga punonjësi i KSHK-së nga delegacione të çfarëdo natyre apo individë, mbi vlerën e caktuar, për shkak të pozicionit të tij, duhet të deklarohen brenda 30 (tridhjetë) ditëve tek eprori, si dhe në njësinë e burimeve njerëzore.
8. Njësia e burimeve njerëzore bën vlerësimin e dhuratave dhe inventarizon ato me vlerë më të madhe se 10 000 (dhjetë mijë) lekë. Dhuratat administrohen në një vend të posaçëm dhe ato mund të përdoren për qëllime të veprimtarisë institucionale.
9. Dhuratat, që kanë vlera artistike, muzeore apo historike, u dorëzohen institacioneve të specializuara.
10. Në të njëjtën mënyrë administrohen edhe dhuratat që nuk mund të kthehen, sipas ligjit nr. 9131, datë 8.9.2003, "Për rregullat e etikës në administratën publike".
11. Në asnjë rast, punonjësi nuk duhet të pranojë dhurata në vlerë monetare.
12. Në rast se punonjësi i KSHK-së dëshiron të mbajë dhuratën me vlerë mbi 10 000 (dhjetë mijë) lekë, atëherë ai paguan diferençën e vlerës së saj, pas vlerësimit të bërë nga institucioni.
13. Janë të ndaluara të gjitha dhuratat, që çojnë në konflikt interesit sipas legjislacionit në këtë fushë, pavarësisht vlerës së tyre.

- b) ftesa për pritje të ndryshme, premtive, ofrime falas apo ulje të çmimeve për kryerjen e shërbimeve, të argëtimeve, transporteve, udhëtimeve; pushimeve,
- c) përfitje të bursave të studimit dhe/apo të sigurimeve.
2. Punonjësi i KSHK-së nuk duhet të kërkojë, në mënyrë të drejtpërdrejtë ose të tërthortë, të japo dhurata ose të ndërmjetësojë për të dhënë dhurata për një punonjës të një niveli më të lartë apo të afërm të tij dhe as të kërkojë ose të pranojë dhurata nga punonjës i një niveli më të ulët ose të afërm të tij, për shkak të cilësive dhe raporteve zyrtare.
3. Një dhuratë konsiderohet e marrë në mënyrë të tërthortë kur i jepet familjes së punonjësit, të afërmve, deri në shkallën e dytë, personave ose organizatave, me të cilat punonjësi ka pasur ose ka marrëdhënies biznesi ose lidhje politike, në bazë të kërkesës, rekomandimit apo udhëzimit të punonjësit.
4. Rregullat e përcaktuara në pikat 1, 2 dhe 3, të këtij nenit, nuk zbatohen në rastin e ftesave të zakonshme apo kur janë të ftuar punonjës ose kolegë të tjerë, të mikpritjes tradicionale, dhuratave me vlerë simbolike apo tradicionale dhe të mirësjelljes, brenda kufijve normalë të traditës, zakoneve, lidhjes farefisnore dhe praktikës së përditshme, të cilat nuk krijojnë dyshime për paanësinë e punonjësit.
5. Punonjësi i KSHK-së mund të pranojë dhurata nga qeveritë e huaja apo organizatat ndërkombëtare, brenda kufijve normalë të shprehjes së mikpritjes dhe trajtimit që buron prej saj, kortezisë apo protokollit, nëse nuk tejkalojen kufijtë e traditës e të zakoneve të vendit ku jepen, nuk vënë në dyshim objektivitetin, ndershëmërinë dhe paanshëmërinë e punonjësit e nëse nuk kompromentojnë imazhin dhe integritetin e Republikës se Shqipërisë.
6. Punonjësi i KSHK-së mund të mbajë dhurata të lejueshme, pa qenë i detyruar t'i deklarojë ato, nëse nuk e kalojnë vlerën prej 10 000 (dhjetë mijë) lekësh për dhuratë. Nëse punonjësi ka dyshim për vlerën e dhuratës, ai njofton eprorin direkt dhe i kërkon njësisë së burimeve njerëzore të kryejë vlerësimin e saj.
7. Dhuratat e pranuara nga punonjësi i KSHK-së nga delegacione të çfarëdo natyre apo individë, mbi vlerën e caktuar, për shkak të pozicionit të tij, duhet të deklarohen brenda 30 (tridhjetë) ditëve tek eprori, si dhe në njësinë e burimeve njerëzore.
8. Njësia e burimeve njerëzore bën vlerësimin e dhuratave dhe inventarizon ato me vlerë më të madhe se 10 000 (dhjetë mijë) lekë. Dhuratat administrohen në një vend të posaçëm dhe ato mund të përdoren për qëllime të veprimtarisë institucionale.
9. Dhuratat, që kanë vlera artistike, muzeore apo historike, u dorëzohen institucioneve të specializuara.
10. Në të njëjtën mënyrë administrohen edhe dhuratat që nuk mund të kthehen, sipas ligjit nr. 9131, datë 8.9.2003, "Për rregullat e etikës në administratën publike".
11. Në asnjë rast, punonjësi nuk duhet të pranojë dhurata në vlerë monetare.
12. Në rast se punonjësi i KSHK-së dëshiron të mbajë dhuratën me vlerë mbi 10 000 (dhjetë mijë) lekë, atëherë ai paguan diferençën e vlerës së saj, pas vlerësimit të bërë nga institucioni.
13. Janë të ndaluara të gjitha dhuratat, që çojnë në konflikt interesit sipas legjislacionit në këtë fushë, pavarësisht vlerës së tyre.

14. Punonjësi i KSHK-së nuk merr përsipër dhe as bën pretime, lidhur me kryerjen ose moskryerjen e veprimeve administrative në kompetencë të tij ose të kolegëve, që mund të përbëjnë shkak për njëanshmëri gjatë ushtrimit të detyrave.



KREU VI

KESHILLIMI, TRAJNIMI, MBIKËQYRJA DHE DISIPLINA PËR ZBATIMIN E RREGULLAVE TË ETIKËS

Neni 12

Këshillimi dhe informimi

1. Njësia e burimeve njerëzore është përgjegjëse për këshillimin e çdo punonjësi të KSHK-së për detyrimet që burojnë nga legislacioni në fuqi për standardet e sjelljes etike.
2. Këshillimi për standardet e sjelljes etike ofrohet nga njësia e burimeve njerëzore:
 - a) në momentin e fillimit të punës, përmes njohjes me legjislacionin përkatës në fuqi, si dhe manualeve apo fletëpalosjeve të përgatitura për etikën;
 - b) gjatë ushtrimit të detyrës, përmes formimit profesional/trajnimeve të planifikuara;
 - c) rast pas rasti, mbi bazën e kërkesës së punonjësit.
3. Me qëllim mbajtjen të informuar të punonjësve të KSHK-së, Departamenti i Administratës Publike dhe njësitë e burimeve njerëzore realizojnë këshillime dhe informime periodike për çështje të rregullave të etikës.
4. Informimi dhe këshillimi periodik realizohet:
 - a) nëpërmjet e-mail-eve informuese, mbledhjeve dhe/apo sesioneve të shkurtra, me qëllim përditësimin e punonjësve për situata apo raste që kanë të bëjnë me rregullat e etikës;
 - b) mbi bazën e rasteve konkrete, nga praktika administrative në Shqipëri, në vende të tjera apo në organizata ndërkombëtare. Këto raste mund të jepen në mënyrë individuale apo si përgjithësim i praktikës administrative.
5. Për realizimin e procesit të informimit dhe këshillimit periodik, Departamenti i Administratës Publike:
 - a) dërgon në mënyrë periodike e-mail-e informuese njësisë së burimeve njerëzore të KSHK-së, raste dhe situata që përfshijnë zbatimin e rregullave të etikës e mënyrën e zgjidhjes së tyre, me udhëzimin për t'ua shpërndarë punonjësve të institucionit ose realizimin e sesioneve të shkurtra informuese;
 - b) realizon me përfaqësuesin e burimeve njerëzore të KSHK-së, në mënyrë periodike, sesione trajnuese për problematikat e shfaqura në lidhje me rregullat e etikës, zgjidhjen e tyre dhe mënyrën e transmetimit të tyre te punonjësit e institucionit.
6. Departamenti i Administratës Publike dhe njësia e burimeve njerëzore kujdesen që, gjatë procesit të informimit dhe këshillimit periodik, të dhënët të jepen në mënyrë të anonimizuar, duke shmangur identifikimin e punonjësve, si edhe të institucionit të përfshirë në këtë proces.

7. Njësiae burimeve njerëzore raporton në mënyrë periodike, në Departamentin e Administratës Publike, rastet e situatat që kanë të bëjnë me mënyrën e zbatimit të rregullave të etikës, si edhe zgjidhjen e dhënë.
8. Njësie burimeve njerëzore, për raste të veçanta, këshillohet edhe me Departamentin e Administratës Publike.
9. Në rast se punonjësi i KSHK-së, gjatë realizimit të detyrave të tij funksionale ka dyshime se sjellja, veprimi dhe/apo mosveprimi i tij mund të vijë në kundërshtim me rregullat e etikës, ai ka të drejtë t'i drejtohet njësisë së burimeve njerëzore të institucionit, e cila duhet ta këshillojë dhe ta informojë punonjësin për sjelljen, veprimin apo mosveprimin që duhet të kryejë.
10. Për situata apo raste tepër të dyshimta dhe të patrajtuara më parë, njësia e burimeve njerëzore mund të kërkojë ndihmën e Departamentit të Administratës Publike.
11. Këshillimi mund të kërkohet dhe nga eprori për sjellje, veprime apo mosveprime të punonjësit, nëse mendon se vijnë në kundërshtim me rregullat e etikës.

Neni 13

Manuali

1. Departamenti i Administratës Publike harton një manual, që trajton, shpjegon e komenton rregullat e etikës. Ky manual shoqërohet me raste dhe shembuj konkretnë të zbatimit të rregullave të etikës.
2. Departamenti i Administratës Publike kujdeset që, në mënyrë periodike, të paktën 1 (një) herë në 3 (tre) vjet, të bëjë përditësimin e manualit të etikës.
3. Ky manual u jepet të gjithë punonjësve të KSHK-së dhe bëhet pjesë e trajnimeve, si edhe sesioneve këshilluese.
4. Njësitë e burimeve njerëzore të çdo institucioni kanë të drejtë që të bëjnë përshtatje të këtij manuali në përputhje me tematikën dhe problematikat që lidhen ekskluzivisht me këtë institucion. Kjo përshtatje bëhet nëpërmjet materialeve shtesë dhe gjithmonë nën mbikëqyrjen e Departamentit të Administratës Publike.

Neni 14

Trajnimi

1. Formimi profesional/trajnimi i punonjësve të KSHK-së për standartet e sjelljes etike ofrohet nga institucioni përgjegjës për trajnimin e punonjësve të tij.
2. Për nëpunësit civilë, standartet e sjelljes etike bëhen pjesë e:
 - a) programit të formimit fillestar për nëpunësit civilë;
 - b) programit të formimit të vazdueshëm, sipas kërkesave të KSHK-së, si dhe në rastet e ndryshimit/përditësimit të këtyre rregullave.
3. Për punonjësit e KSHK-së, marrëdhëniet e punësimit të të cilëve rregullohen me legjislacion të ndryshëm nga legjislacioni i shërbimit civil, trajnimi për standartet e sjelljes etike ofrohet nga institucioni përgjegjës për trajnimin e punonjësve të KSHK-së pa pagesë

individuale të punonjësit, sipas përcaktimit për këtë qëllim në vendimin përkatës të Këshillit të Ministrave për trajnimin e nëpunësve civilë, si dhe të çdo individu tjetër jashtë shërbimit civil.

4. Në filum të çdo viti, Departamenti i Administratës Publike harton planin e trajnimeve dhe të revojave përkatëse për këtë tematikë mbi bazën e kërkesave të institucioneve të administratës publike dhe njofton edhe institucionin përgjegjës për trajnimin e punonjësve të administratës publike për këtë qëllim.

Neni 15
Mbikëqyrja

1. Mbikëqyrja e zbatimit të rregullave të etikës realizohet nga Departamenti i Administratës Publike, nga njësia e burimeve njerëzore, si edhe nga eprori direkt.
2. Departamenti i Administratës Publike merr informacione nga njësia e burimeve njerëzore për çdo rast të evidentuar, si edhe realizon inspektime perioridike, me qëllim mbikëqyrjen e zbatimit të rregullave të etikës në institucion.
3. Njësia e burimeve njerëzore merr informacion në mënyrë të vazhdueshme për çështjet që kanë të bëjnë me rregullat e etikës në institucion dhe ia raporton rregullisht Departamentit të Administratës Publike, si edhe eprorit të punonjësit, për marrjen e masave përkatëse.
4. Eprori i punonjësit, në rast se gjatë veprimtarisë së përditshme vëren shkelje apo problematika në zbatimin e rregullave të etikës, përvèç masave që mund të marrë vetë, informon edhe njësinë e burimeve njerëzore.

Neni 16
Disiplina

1. Procedura disiplinore në kuadër të shkeljes së rregullave të etikës për:
 - a) nëpunësit civilë rregullohet sipas legjislacionit në fuqi për nëpunësin civil;
 - b) punonjësit e tjera jashtë shërbimi civil rregullohet sipas legjislacionit përkatës, që gjen zbatim për marrëdhënien e tyre të punës.
2. Masat disiplinore ndaj punonjësve të KSHK-së jepen nga organet kompetente, sipas legjislacionit respektiv.
3. Moszbatimi i parashikimeve të kësaj rregulloreje përbën shkak për marrjen e masave ndaj punonjësve të KSHK-së.
4. Masat disiplinore për shkelje të rregullave të etikës bëhen pjesë e dosjes personale të punonjësit të KSHK-së dhe hidhen në Regjistrin Qendror të Personelit, të administruar nga Departamenti i Administratës Publike.
5. Njësia e burimeve njerëzore ka detyrimin e hedhjes së masave disiplinore në Regjistrin Qendror të Personelit brenda 10 (dhjetë) ditëve nga marrja e saj.
6. Masat disiplinore për punonjësit e KSHK-së shuhën pas kalimit të afateve të përcaktuara në legjislacionin e tyre respektiv.

7. Massa disiplinore e shuar fshihet nga dosja e personelit dhe hiqet menjëherë nga Regjistri Qendror i Personelit prej njësisë së burimeve njerëzore.

„KOMITETI SHKALLËZUES KONTROLOR PËR KOMUNIKIMIN

Konceptoi: N. Goga

